



QVÆSTIO MEDICA

QVODLIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

Die Iovis duodecima Decembris.

M. RAYMVND O VASLET,
Doctore Medico, Præsìde.

An fluxioni à capite vomitus nonnunquam utilis?

I.

CAPVT pars corporis altissima, malè tempera-
tum cùm sibi tum reliquo corpori morbos
innumeros parit. Nam quæcunque pars caput at-
tingit vel vicinia, vel valorum communione, vel
servitutis officio, vel situs acclivitate, nunquam non
ab illo in hanc mali aliquid depluit. Quibus partibus
motum indidit natura quò se servarent, illæ in-
gruentem calamitatem quà possunt depellunt: fau-
ces sreatu, pulmo tussi, ventriculus vomitu. Sed suæ
sunt partibus ut juvandis sic & nocendi vices. Venti-
culus multa continet, multa sursum effert noxia;
quibus quò citiùs vacuefactus fuerit, eò meliùs

capiti & subjectis partibus futurum est.

II.

MALVM malo rependit caput, cùm humorem coacervatum & accepto inferiùs calore liquatum quoquoersum dimittit: hujus inde fluentis non una via est. Aliàs vasa quæ sanguinem sursum tulere serum reportant indigenâ salugine mordax, & locis quæ præterlabitur vel occupat dolorificum: auribus, oculis, dentibus omnium maximè. An à capite subter cutem ductus inconspicuos sequitur humor catharri, rheumatismi, arthritidis author: siccinæ fiunt illi affectus congeneres tum materia tum origine? Equidem infra illis origo est, supernè motus accidit, si rheumatissimum excipias. Ergo quod à capite tenuius exilit ferè externas partes petit: crassiusculū & ἀπώιον subjectæ capiti cavitates excipiunt. Hinc asthma, dum humor in pulmonem illabitur, & ibi καταγλιχέμεται, idem si ad ventriculum inclinatur, frequens infestat ad vomitum impetus, ut in omnibus quibus natura vel morbo cerebrum humidius est.

III.

VOMITVS à natura ventriculo attributus, ad res noxias promptiùs expellendas; ille si sponte susceptus & levior nunquam nociturus est. plurimis in cephalæâ, hemicraniâ, & dolore capitis diuturno evomuisse profuit. Ventriculo vis inest sui ipsius eluendi, & subverso fundo eliminandæ illius fæcis, quam tum ex quotidiano ciborum attritu, tum aliundè, confluyente illuvie congerit, multa

capiti mala illaturam: quâ etiam inquinatum, in ceteras partes abiturum alimentum distillationis generandæ causam ubique procreat haud paulò majorem in capite, quod assiduò ferit sordens ventriculus, & omnigenâ humorum copiâ implet; quippe in perpetuo utriusque ultro citroque mittendi commercio, capitis & ventriculi hoc interest, quod illud oppletum solummodo, hic tum vacuus tum crudus ad distillationem excitandam valeat. Certè tot malorum fœcundo visceri sus deque depleri non rarò convenit, hæc quidem tutiùs, illàc citiùs, & sæpe tutò.

IV.

DISTILLATIONIS à capite si adventet præcavendæ, si jam instet curandæ, rationem definit Medicus ex ipsis illius causis. Omnes neque parî curâ, neque paribus auxiliis indigent. Adversus externas vel internas, caput & stomachum munire scuto, cucupha, medicatis lotionibus, litu, foru, emplastris, exoletum medicinæ genus. Humoris jam à capite fluentis, vel sustinendi, vel sistendi, princeps venæ sectio; huic longè inferiores frictio, cucurbitulæ, scarificatus, vesicantia. Sectæ longinquis in partibus venæ aliter quàm revellendo humore profunt. Intricata res est ἀντίσπασις, & in morbis capitis vel thoracis optata magis quàm præstita: Hanc à vomitu frustra speret cui à capite humor devocandus est. Causas distillationis potiùs quàm distillationem tollit vomitus.

V BIVIS lateant distillationis causæ, quam-
primùm illæ sunt abigendæ: has si ventri-
culus habeat, & spontè contra exurgens, vomitu
foras ejiciat, abundè est. Satis ille sibi, & capiti con-
sulit: sin cunctantem inanis nausea agitet, & identi-
dem atque incassum vomiturientem attollat adju-
vabit Medicus: Illius bene memor quod in vomen-
tibus apprimè tenendum est: vomitum propriam ef-
se quamdam & privatam expurgandi humoris viam;
hanc sequi Medico licere, publicam fieri summo
capitis periculo. Ergo apage vehementiora emetica;
mitioribus dumtaxat esto locus, quæ ventriculum
blandiùs commoveant & commoneant, ut hac in-
tentione suâ pressum omnem depellat humoris tum
sibi tum capiti nocituri: Hinc enim sæpe generandæ
distillationis, materies, hinc genitæ vis & malignitas.
Veteres *συρμαϊσµῶ* utebantur, nitente ciborum penu
credebant omnia in corpore nitesceri, & nitere
caput liberum ab omni vel accipiendâ vel referendâ
inferarum partium injuriâ.

Ergo fluxioni à capite vomitus nonnunquam utilis.

DOMINI DOCTORES DISPUTAVRL

M. Paulus Mattor.
M. Carolus le Long,
M. Ludovicus Morin.

M. Petrus Lombard.
M. Philippus Marbon.
M. Raymundus Finot.

M. Nicolaus Cappon.
M. Nicolaus Richard.
M. Petrus le Mercier.

Proponebat Lutetiæ IOANNES ROBERT,
Parisinus A. R. S. H. MDCLXIX.